




Broj: 01-50-1-15-41/17

Sarajevo, 18.1.2017.



ZAPISNIK

41. sjednice Predstavničkog doma Parlamentarne skupštine Bosne i Hercegovine, održane 18.1.2017.

| | | | |
|------------------------|-----------------------|------------|--------------|
| PRIMLJENO: 06-02-2017 | | | |
| Organizaciona jedinica | Klasifikaciona oznaka | Redni broj | Broj priloga |
| | | | |

Sjednica je počela u 10,10 sati. Prisustvovalo je 40 poslanika.¹

Odsustvo su opravdali Asim Sarajlić i Jovan Vukovljak.

Sjednici su prisustvovali članovi Vijeća ministara BiH, te predstavnici Ureda za reviziju institucija BiH i Saveza sindikata policijskih organa u BiH.

Iz međunarodnih organizacija sjednicu su pratili predstavnici OHR-a i EUSR-a, a iz nevladinih organizacija prisustvovali su predstavnici CCI-ja, te predstavnici italijanske i američke ambasade u BiH.

Predsjedavajući Doma Šefik Džaferović rekao je da će poslanicima, u skladu s članom 167. Poslovnika, na početku sjednice, a prije rasprave o dnevnom redu, biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- **Aleksandra Pandurević** – ministru komunikacija i prometa BiH,
- **Nikola Lovrinović** – ministru pravde BiH,
- **Hazim Rančić** – ministru pravde BiH,
- **Damir Bećirović** – predsjedavajućem Vijeća ministara BiH,
- **Denis Bećirović** – predsjedavajućem Vijeća ministara BiH,
- **Maja Gasal-Vražalica** – predsjedavajućem Vijeća ministara BiH,
- **Saša Magazinović** – predsjedavajućem Vijeća ministara BiH,
- **Salko Sokolović** – predsjedavajućem Vijeća ministara BiH,
- **Nermina Kapetanović** – ministru pravde BiH,
- **Senad Šepić** – ministru civilnih poslova BiH,
- **Amir Fazlić** – ministru komunikacija i prometa BiH,

¹ Nakon rasprave o dnevnom redu, a zbog neusvajanja njihovog prijedloga za dopunu dnevnog reda, sjednicu su napustili poslanici iz Kluba SNSD-a, ali su prisustvovali sjednici prilikom glasanja o tačkama dnevnog reda

- **Damir Arnaut** – ministru vanjskih poslova BiH,
- **Šemsudin Mehmedović** – ministrici odbrane BiH.

Poslanik Zaim Backović dostavio je najavu poslaničkog pitanja suprotno roku propisanom članom 168. stav (1) Poslovnika Doma.

Ove najave su, u skladu s članom 168. Poslovnika, dostavljene predsjedavajućem Vijeća ministara BiH i onom članu Vijeća ministara BiH na kojeg se pitanje odnosi. Predsjedavajući je podsjetio na to da je osiguran direktan TV prijenos ovog dijela sjednice, u skladu s članom 167. stav (1) Poslovnika.

Nakon ovih napomena, pristupilo se usmenom postavljanju poslaničkih pitanja i davanju odgovora redoslijedom dostavljanja najava.

Aleksandra Pandurević

Pitanje postavljeno ministru komunikacija i prometa BiH: „Da li ste upoznati da je došlo do promjene trase Koridora 5c na području Mostara u odnosu na projekat iz 2012. godine, te da nova trasa prolazi kroz naselje Kočine – Muđunarodni aerodrom Mostar – Ortiješ – Lakševina (dionica Mostar jug – Buna), dok je stara prolazila obroncima brda istočno od naselja Opine – Kočine – Gnojnice – Dračevica – Rotimlje? Koji su razlozi za promjenu trase, posebno da se umjesto neobrađivog zemljišta izuzima obradivo i da li se vodilo računa o tome da je novom trasom ugrožena egzistencija ljudi koji na tom području uglavnom žive od poljoprivrede, o čemu svjedoči i peticija koju je potpisalo 1078 mještana koji se protive izuzimanju zemljišta koje im je izvor egzistencije?“

Ministar komunikacija i prometa BiH Ismir Jusko odgovorio je na postavljeno pitanje. Poslanica Aleksandra Pandurević komentirala je dati odgovor i zatražila da se dostavi u pisanoj formi.

Nikola Lovrinović

Pitanje postavljeno ministru pravde BiH – „Molim da mi se dostave podaci u vezi s provođenjem Strategije za reformu sektora pravde, i to:

1. Koliko je bilo neriješenih predmeta ratnih zločina u trenutku usvajanja Strategije a koliko ih ima zaključno s jedanaestim mjesecom 2016. godine?
2. Od preostalog broja neriješenih predmeta ratnih zločina – koliko ih je u fazi istrage, koliko je podignutih optužnica, a u koliko slučajeva je sud donio presudu i koliko je slučajeva u postupku rješavanja po žalbi?
3. Od svih predmeta ratnih zločina koji su procesuirani pred Sudom BiH i u kojima je Sud BiH donio presudu u prvom stepenu, molim da mi dostavite pravne kvalifikacije krivičnih djela i po pojedinačnim predmetima da li je primijenjen Krivični zakon SFRJ ili Krivični zakon BiH iz 2003. godine?
4. Od svih predmeta ratnih zločina u kojima je sud prvog stepena ili drugi sud donio presudu, koliko je predmeta sudio Sud BiH, a koliko entitetski sudovi?

5. Nacionalna struktura predmeta u kojima je presudu u prvom stepenu donio Sud BiH?“

Ministar pravde BiH Josip Grubeša nije prisustvovao sjednici prilikom postavljanja ovog pitanja, pa će poslanik Nikola Lovrinović pitanje postaviti na narednoj sjednici na kojoj bude omogućeno postavljanje pitanja u usmenoj formi.

Hazim Rančić *uputio je pitanje ministru pravde BiH.* Ministar nije prisustvovao sjednici, pa će poslanik Hazim Rančić pitanje postaviti na narednoj sjednici na kojoj bude omogućeno postavljanje pitanja u usmenoj formi.

Damir Bećirović

Pitanje postavljeno predsjedavajućem Vijeća ministara BiH – „Molim da me informirate o tužbama koje se pred međunarodnim institucijama vode protiv Bosne i Hercegovine. Koji su to slučajevi i u kojoj su trenutno fazi? S obzirom na to da se većina slučajeva vodi protiv subjekata iz Republike Srpske, ukoliko BiH izgubi ove slučajeve, na koji način će biti plaćena odšteta? Podsjećam Vas da je riječ o odštetnim zahtjevima u visini od cca dvije milijarde KM.“

Predsjedavajući Vijeća ministara BiH Denis Zvizdić dao je odgovor. Poslanik Damir Bećirović komentirao je dati odgovor.

Denis Bećirović

Pitanje postavljeno predsjedavajućem Vijeća ministara BiH – „Zašto Vijeće ministara BiH još uvijek nije u parlamentarnu proceduru uputilo Prijedlog zakona o zabrani izazivanja i širenja nacionalne, vjerske, rasne i drugih oblika mržnje u Bosni i Hercegovini?“

Predsjedavajući Vijeća ministara BiH Denis Zvizdić dao je odgovor. Poslanik Denis Bećirović komentirao je dati odgovor.

Maja Gasal-Vražalica

Pitanje postavljeno predsjedavajućem Vijeća ministara BiH – „Da li je Odluka o radnom vremenu u Vijeću ministara Bosne i Hercegovine, ministarstvima Bosne i Hercegovine i drugim tijelima Vijeća ministara Bosne i Hercegovine („Službeni glasnik BiH“, broj 16/98), koju je Vijeće ministara BiH donijelo na 56. sjednici, održanoj 27. maja 2004. godine, diskriminatorna, budući da je u stavu (3) ove odluke izvršena kategorizacija zaposlenih i na osnovu nje definirana dužina trajanja godišnjeg odmora od najmanje:

- 25 radnih dana za rukovodioce,
- 20 radnih dana za ostale državne službenike i
- 18 radnih dana za namještenike?“

Predsjedavajući Vijeća ministara BiH Denis Zvizdić dao je odgovor. Poslanica Maja Gasal-Vražalica komentirala je dati odgovor i zatražila da se dostavi u pisanoj formi.

Saša Magazinović

Pitanje postavljeno predsjedavajućem Vijeća ministara BiH – „Poštovani predsjedavajući, premijeru, kako Vam je draže, kažu da je čovjek gospodar neizgovorene, a rob izgovorene riječi. Vi ste onog trenutka kada ste pročitali svoj ekspoze u ovoj sali, postali rob 12.713 riječi koje ste ovdje izgovorili i Vaš ekspoze je za mene neiscrpan izvor ideja za pitanja Vama, budući da ste dali obećanja od kojih jedan dobar dio ja moram reći da podržavam. Razmišljajući šta danas da Vas pitam, bila je tu duga lista mogućnosti da li da Vas pitam dokle se došlo s formiranjem vijeća za nacionalnu sigurnost, dokle ste došli s formiranjem ministarstva poljoprivrede na državnom nivou, šta je sa svim onim obećanim strategijama, dokle ste sa osiguranjem ravnopravnosti naroda i građana, osnaživanju bh. institucija, političkom stabilnošću kao prioritetom, ali sam ipak izabrao nešto sasvim drugo.

Pitat ću Vas dokle ste došli sa osnivanjem banke za obnovu i razvoj Bosne i Hercegovine, koju ste obećali, i šta je sa izradom i usvajanjem zakona o strateškim investitorima i investicijama u Bosni i Hercegovini? Podsjetit ću Vas da ste to kao jedan od prioriteta ekonomskih naveli da je cilj formiranje te banke, naravno, omogućavanje rasta investicija na državnom nivou, da ste nam obećali održiv i ravnomjeran privredni razvoj Bosne i Hercegovine, to je ono što Vas kolega Šepić non-stop pita, da ste nam kroz zakon o investicijama i investitorima obećali olakšice za njih, a prosperitet za državu.

I evo da, prekoračio sam vrijeme, ovdje ću se zaustaviti pa ću prokomentarisati kad ne dobijem odgovor.“²

Predsjedavajući Vijeća ministara BiH Denis Zvizdić dao je odgovor. Poslanik Saša Magazinović komentirao je dati odgovor.

Salko Sokolović

Pitanje postavljeno predsjedavajućem Vijeća ministara BiH – „S obzirom na to da je Ured za reviziju institucija BiH u Izvještaju o izvršenoj reviziji učinka o temi: 'Aktivnosti institucija Bosne i Hercegovine za provođenje zaštite i spašavanja u prirodnoj ili drugoj nesreći' konstatirala da nije formirana mješovita specijalna jedinica i da je Vijeće ministara BiH nadležno za njeno formiranje, pitam predsjedavajućeg Vijeća ministara BiH:

1. Da li je u periodu od dostavljanja Izvještaja do danas formirana ova jedinica?
2. Ako nije, da li u prvoj polovini 2017. godine planirate putem Ministarstva sigurnosti intenzivirati aktivnosti na pronalasku optimalnog rješenja koje će voditi ka realizaciji ove zakonske obaveze?“

Ministar sigurnosti BiH Dragan Mektić dao je odgovor. Poslanik Salko Sokolović komentirao je dati odgovor.

² Izvod iz neautoriziranog transkripta 41. sjednice PDPSBiH

Nermina Kapetanović

Pitanje postavljeno ministru pravde BiH – „Kada Ministarstvo pravde BiH namjerava provesti reformu Zakona o izvršnom postupku kako bi se efikasno smanjio zaostatak u rješavanju komunalnih predmeta u sudovima i kako bi se uvela sudski naložena medijacija?“

Ministar pravde BiH Josip Grubeša dao je odgovor. Poslanica Nermina Kapetanović komentirala je dati odgovor.

Senad Šepić

Pitanje postavljeno ministru civilnih poslova BiH – „Šta je Vijeće ministara do sad konkretno uradilo u ovom mandatnom periodu i šta planira uraditi nadalje da zaustavi ili da smanji odlazak ljekara i medicinskog osoblja iz zdravstvenih ustanova u BiH?“

Ministar civilnih poslova BiH Adil Osmanović dao je odgovor. Poslanik Senad Šepić komentirao je dati odgovor i najavio upućivanje inicijative Vijeću ministara BiH.

Amir Fazlić

Pitanje postavljeno ministru komunikacija i prometa BiH – „S obzirom na teško finansijsko stanje na BHRT-u i potrebu preduzimanja određenih mjera – Šta nadležno ministarstvo čini kako bi se negativni finansijski i drugi trendovi zaustavili, te da li Ministarstvo radi na izmjenama i dopunama Zakona o Javnom radiotelevizijskom sistemu Bosne i Hercegovine, s akcentom na dio Zakona kojim se regulira finansiranje Javnog radiotelevizijskog sistema?“

Ministar komunikacija i prometa BiH Ismir Jusko odgovorio je na postavljeno pitanje. Poslanik Amir Fazlić komentirao je dati odgovor.

Damir Arnaut

Pitanje postavljeno ministru vanjskih poslova BiH – „Koliko zemalja je ukinulo vize za nosioce običnih putnih isprava Bosne i Hercegovine u periodu između 31.3.2015. i 17.1.2017. (odnosno tokom aktuelnog saziva Vijeća ministara BiH)? Molim da u odgovoru ne navodite podatke koji se tiču ukidanja viza za nosioce diplomatskih i službenih putnih isprava. Podaci kojima ja raspolazem je da se radi o samo tri zemlje, dakle u ovom dvogodišnjem periodu za koji je odgovoran ministar vanjskih poslova. Ono što je posebno zabrinjavajuće je što smo u tom istom periodu pali, mi smo kraj 2014. godine u poređenju sa drugim zemljama pali, kraj 2014. godine smo dočekali na 42. mjestu, a kraj 2016. godine smo dočekali na 52. mjestu. Naši državljani mogu bez vize sa običnim pasošima u samo 101 zemlju. Slovenija je već godinama na 12. mjestu, 164 zemlje su im otvorene bez viza, Hrvatska je na 22. mjestu, mogu u 149 zemalja, Srbija je ispred nas na 43. mjestu, Makedonija na 45. mjestu, Crna Gora je na 47. mjestu. Od evropskih zemalja iza nas su samo Bjelorusija, Ukrajina i Albanija, jer nas je ove godine i Moldavija sustigla. Po ovom trendu Albanija koja je sada samo jedno mjesto iza nas će nas već iduće godine sustići i preći. Dakle, zaista se radi o katastrofalnim podacima.“³

³ Izvod iz neautoriziranog transkripta 41. sjednice PDPSBiH

Ministar vanjskih poslova BiH nije prisustvovao sjednici prilikom postavljanja ovog pitanja, pa će poslanik Damir Arnaut pitanje postaviti na narednoj sjednici na kojoj bude omogućeno postavljanje pitanja u usmenoj formi.

Šemsudin Mehmedović

Pitanje postavljeno ministrici odbrane BiH – „Kada će biti puštena u proceduru Odluka o posebnim dodacima na plaću za profesionalna vojna lica u Ministarstvu odbrane i Oružanim snagama BiH i civilna lica na službi u Oružanim snagama BiH? Zbog čega se čeka toliko dugo obzirom da ima niz nepravilnosti u već postojećoj odluci koja se primjenjuje prilikom isplate plaća pripadnicima Oružanih snaga BiH?“⁴

Ministrica odbrane BiH Marina Pendeš odgovorila je na postavljeno pitanje. Poslanik Šemsudin Mehmedović komentirao je dati odgovor.

U vezi sa izmjenama i dopunama dnevnog reda sjednice, predsjedavajući je napomenuo sljedeće:

Na dnevni red dodata je tačka 3. - Zahtjev poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, u skladu s članom 133. Poslovnika, zakon broj: 01-02-1-105/17, od 11.1.2017.

Tačka 4. - Prijedlog zakona o dopuni Zakona o upravi, predlagач: poslanik Damir Arnaut, zakon broj: 01-02-1-3044-1/16, od 6.1.2017., dopunjena je Mišljenjem Ustavnopravne komisije.

Nakon ovih napomena, predsjedavajući je otvorio raspravu o dnevnom redu sjednice.

U raspravi su učestvovali Nikola Lovrinović i Lazar Prodanović.

Nikola Lovrinović predložio je da se ne prihvati Zahtjev poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, u skladu s članom 133. Poslovnika.

Lazar Prodanović je, u ime poslanika iz Kluba SNSD-a, predložio dopunu dnevnog reda tačkom koja glasi: Odluka o razrješenju poslanika Šefika Džaferovića s dužnosti predsjedavajućeg Predstavničkog doma Parlamentarne skupštine BiH - člana Kolegija Predstavničkog doma.

Predsjedavajući je rekao da Nikola Lovrinović svoj prijedlog iznese u okviru rasprave o Zahtjevu poslanika Mirsada Mešića.

⁴ Izvod iz neautoriziranog transkripta 41. sjednice PDPSBiH

Zatim je dao na glasanje prijedlog poslanika iz Kluba SNSD-a za dopunu dnevnog reda tačkom: Odluka o razrješenju poslanika Šefika Džaferovića s dužnosti predsjedavajućeg Predstavničkog doma Parlamentarne skupštine BiH - člana Kolegija Predstavničkog doma.

Prijedlog **nije prihvaćen** – „za“ je glasalo pet poslanika (iz Republike Srpske), „protiv“ 24, a „suzdržano“ je bilo deset poslanika.

Predsjedavajući je konstatirao da 41. sjednica Predstavničkog doma ima sljedeći

DNEVNI RED

1. Usvajanje Zapisnika 40. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Zahtjev poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, u skladu s članom 133. Poslovnika, zakon broj: 01-02-1-105/17, od 11.1.2017.;
4. Prijedlog zakona o dopuni Zakona o upravi, predlagač: poslanik Damir Arnaut, zakon broj: 01-02-1-3044-1/16, od 6.1.2017., s Mišljenjem Ustavnopravne komisije;
5. Izvještaj komisije Kolegija Predstavničkog doma o nastojanju za postizanje saglasnosti o Prijedlogu zakona o izmjeni Zakona o lijekovima i medicinskim sredstvima, predlagač: Vijeće ministara BiH (zakon u drugom čitanju), zakon broj: 01,02-02-1-2804/16, od 2.11.2016.;
6. Izvještaj komisije Kolegija Predstavničkog doma o nastojanju za postizanje saglasnosti o Prijedlogu zakona o izmjeni Zakona o plaćama i naknadama u institucijama Bosne i Hercegovine, predlagač: poslanik Šemsudin Mehmedović (zakon u prvom čitanju), zakon broj: 01-02-1-2610/16, od 10.10.2016.;
7. Izvještaj komisije Kolegija Predstavničkog doma o nastojanju za postizanje saglasnosti o prijedlogu poslanika iz Kluba DF-a za uvrštavanje nove tačke dnevnog reda 40. sjednice Predstavničkog doma PSBiH koja glasi: Informacija o sigurnosno-finansijskom aspektu organiziranja dočeka Nove 2017. godine na prostoru koji je u nadležnosti Parlamentarne skupštine BiH i drugih institucija BiH, akt broj: 01-50-1-3234/16, od 30.12.2016.;
8. Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (predlagač: Vijeće ministara BiH, broj: 01,02-02-1-33/15, od 25.1.2016.);
9. Izvještaj o izvršenoj reviziji učinka o temi: „Upravljanje grantovima u institucijama BiH“, materijal Ureda za reviziju institucija BiH, broj: 01/4-16-1-3261/16, od 30.12.2016.;
10. Izvještaj o izvršenoj reviziji učinka o temi: „Planiranje budžetskih rashoda u institucijama BiH“, materijal Ureda za reviziju institucija BiH, broj: 01/4-16-1-29/17, od 4.1.2017.;
11. Informacija o procjeni i mogućnostima Bosne i Hercegovine po pitanju izbjegličke krize u regionu i Evropskoj uniji, materijal Ministarstva sigurnosti BiH, broj: 01,02-41-1257/15, od 2.10.2015., i dopuna Informacije, materijal broj: 01,02-41-1257-2/15, od 13.10.2016.;

12. Odgovor Vijeća ministara BiH na inicijativu Predstavničkog doma Parlamentarne skupštine BiH, usvojenu na 35. sjednici Predstavničkog doma Parlamentarne skupštine BiH, održanoj 30.8.2016., materijal broj: 01-50-1-1906/16, od 22.12.2016.;
13. Zahtjev Privremene zajedničke komisije oba doma Parlamentarne skupštine Bosne i Hercegovine za produženje roka za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-50-14-1197-4/16, od 29.12.2016.;
14. Razmatranje ostavke Vildana Đurovića na mjesto člana Ureda za razmatranje žalbi BiH, akt broj: 01,02-34-1-3232/16, od 28.12.2016., i Prijedlog odluke o razrješenju dužnosti člana Ureda za razmatranje žalbi BiH, akt broj: 01,02-34-1-3232/16, od 6.1.2017.;
15. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje člana Ureda za razmatranje žalbi, akt broj: 01,02-50-14-76/17, od 9.1.2017.;
16. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za izradu prijedloga izmjena i dopuna poslovnika Predstavničkog doma i Doma naroda Parlamentarne skupštine Bosne i Hercegovine, predlagач: Zajednički kolegij oba doma PSBiH, akt broj: 01,02-50-14-84/17, od 9.1.2017.

* * * * *

Ad.1. Usvajanje Zapisnika 40. sjednice Predstavničkog doma Parlamentarne skupštine BiH

Nakon uvodnih napomena, predsjedavajući je otvorio raspravu. Nije bilo prijavljenih.

Zapisnik 40. sjednice usvojen je s 30 glasova „za“ (iz Federacije BiH 23, iz Republike Srpske sedam), bez glasova „protiv“ i četiri glasa „suzdržan“.

Ad.2. Komentari na dobivene odgovore na poslanička pitanja

Predsjedavajući je podsjetio da su, u skladu s članom 170. Poslovnika, do ove sjednice Doma pitanja u pisanoj formi postavili poslanici:

- **Jasmin Emrić** – Željeznicama Federacije BiH,
- **Saša Magazinović** – Ministarstvu civilnih poslova BiH,
- **Maja Gasal-Vražalica** – Agenciji za statistiku BiH.

Sadržaj postavljenih pitanja je sljedeći:

Jasmin Emrić

Pitanje postavljeno Željeznicama Federacije BiH: „Koje aktivnosti su vođene u 2016. godini, te šta je urađeno na elektrifikaciji Unske pruge i osposobljavanju signalno-sigurnosnih telekomunikacijskih postrojenja?“

Saša Magazinović

Pitanje postavljeno Ministarstvu civilnih poslova BiH: „Molim da mi se dostavi odgovor na pitanje koliko se novca za stipendiranje studenata i đaka izdvaja s državnog nivoa, koliko se izdvaja u svakom entitetu, kantonu i općini posebno i kolika je visina tih stipendija na državnom nivou, u entitetima, svakom kantonu i svakoj općini?“

Maja Gasal-Vražalica

Pitanje postavljeno Agenciji za statistiku BiH: „Gdje se mogu pronaći podaci o broju pripadnika nacionalnih manjina u BiH po popisu iz 2013.? Ne treba mi zbir, već podaci za svaku nacionalnu manjinu i sve one koji nisu konstitutivni pojedinačno?“

Tokom sjednice pitanja u pisanoj formi postavili su i inicijativu uputili poslanici:

- **Senad Šepić** – postavio poslaničko pitanje Federalnom ministarstvu zdravstva i Ministarstvu zdravlja i socijalne zaštite Republike Srpske i inicijativu uputio Vijeću ministara BiH
- **Predrag Kožul** – postavio poslaničko pitanje Ministarstvu vanjske trgovine i ekonomskih odnosa BiH,
- **Monika Tomić** – postavila poslaničko pitanje Vladi Federacije Bosne i Hercegovine i Federalnom zavodu za penzijsko i invalidsko osiguranje.

Sadržaj postavljenih pitanja je sljedeći:

Senad Šepić

Pitanje postavljeno Federalnom ministarstvu zdravstva i Ministarstvu zdravlja i socijalne zaštite Republike Srpske :“Koliko je pacijenata u BiH bilo na listama čekanja na dan 31.12.2016. i koliko je prosječno trajanje čekanja pacijenata na termin?“

Inicijativa upućena Vijeću ministara BiH – „Predlažem da Vijeće ministara BiH pripremi i u parlamentarnu proceduru uputi informaciju o stanju zdravstva i održivosti zdravstvenog sistema u BiH.“

Predrag Kožul

Pitanje postavljeno Ministarstvu vanjske trgovine i ekonomskih odnosa BiH: “Zakonom o zaštiti i dobrobiti životinja (‘Službeni glasnik BiH’, broj 25/09) definirana je u članu 4. zabrana uzgoja životinja u svrhu proizvodnje krzna, te je članom 43. definirano da ova zabrana stupa na snagu 1.1.2018. S obzirom na to da u BiH trenutno ima više farmi koje se bave uzgojem životinja u svrhu proizvodnje krzna (po našim saznanjima 55 farmi s proizvodnjom cca 14.000 komada krzna), jasno je da će zabrana, koja stupa na snagu ubrzo, ovu djelatnost onemogućiti. Inače, zbog ovih zakonskih odredbi dio farmi u BiH je već ugašen.

U Evropi, uključujući i EU, postoji različita zakonska praksa u ovoj oblasti. Uzgoj životinja u svrhu proizvodnje krzna je dozvoljen u skoro svim članicama EU, a norma o zabrani uzgoja nije pravno obavezujuća. EU pokriva oko 2/3 svjetske proizvodnje krzna. Ukoliko zemlje Unije i uvode zabrane, osiguravaju duge prijelazne periode (Danska 14 godina, Holandija do 2024. godine) i visoke naknade šteta uzgajivačima.

S obzirom na trenutnu ekonomsku i socijalnu situaciju u zemlji, gdje je svaka proizvodnja i svako radno mjesto izuzetno važno, priprema li Ministarstvo izmjenju ovih zakonskih odredbi

kako bi uzgajivači životinja u svrhu proizvodnje krzna mogli nastaviti svoju djelatnost, barem do trenutka kada će država biti u situaciji da im u određenoj mjeri nadoknadi ulaganja i štete? Ovo moje pitanje ujedno shvatite i kao inicijativu da se pristupi izmjeni Zakona i nađe određeno rješenje, u skladu s najboljim praksama, za ovaj problem.“

Monika Tomić

Pitanje postavljeno Vladi Federacije Bosne i Hercegovine i Federalnom zavodu za penzijsko i invalidsko osiguranje: „Odlukom PIO/MIOFBiH svim penzionerima koji su regulirali penziju do 31.3.1992. smanjena je penzija za 39,20% koja je utvrđena po najpovoljnijim periodima uzastopno 10 godina kod PIOFBiH. Druge republike nisu umanjile penzije (Slovenija, Hrvatska, Srbija, Crna Gora, Makedonija) pri raspadu bivše SFRJ. Po kojoj osnovi su navedene penzije umanjene i mogu li se navedene penzije uvećati za smanjeni iznos te isplatiti retroaktivno za umanjeni iznos?“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- Na pitanje poslanika **Damira Arnauta**, postavljeno u pisanoj formi na 38. sjednici, odgovor dostavilo Vijeće ministara BiH, i na pitanje postavljeno u pisanoj formi na 40. sjednici odgovor dostavila Institucija ombudsmena za ljudska prava BiH.
- Na pitanje poslanice **Mensure Beganović**, postavljeno u pisanoj formi na 38. sjednici, odgovor dostavilo Vijeće ministara BiH.
- Na pitanje poslanika **Nikole Špirića**, postavljeno u pisanoj formi na 38. sjednici, odgovor dostavilo Vijeće ministara BiH.
- Na pitanje poslanika **Mirsada Donlagića**, postavljeno u usmenoj formi na 39. sjednici, odgovor dostavilo Ministarstvo komunikacija i prometa BiH.
- Na pitanje poslanika **Salka Sokolovića**, postavljeno u usmenoj formi na 39. sjednici, odgovor dostavilo Ministarstvo komunikacija i prometa BiH.
- Na pitanje poslanice **Hanke Vajzović**, postavljeno u pisanoj formi na 38. sjednici, odgovor dostavila Federalna uprava za inspekcijske poslove.
- Na pitanje poslanice **Maje Gasal-Vražalice**, postavljeno u pisanoj formi na 39. sjednici, odgovor dostavio Fond za profesionalnu rehabilitaciju i zapošljavanje osoba s invaliditetom FBiH i na pitanje postavljeno u pisanoj formi na 38. sjednici, odgovor dostavila Agencija za lijekove i medicinska sredstva.

Dostavljene odgovore komentirali su poslanici:

Damir Arnaut nije komentirao odgovor Institucije ombudsmena za ljudska prava BiH jer nije zadovoljan odgovorom, te je rekao da će dostaviti dopunsko poslaničko pitanje. Što se tiče odgovora Ministarstva finansija i trezora BiH (dostavljen od Vijeća ministara BiH) koje se odnosi na dostavljanje uporedne tabele koje su uštede ostvarene u 2016. godini u odnosu na isti period 2015. godine kada je u pitanju primjena Zakona o plaćama i naknadama u institucijama Bosne i Hercegovine, konkretno uštede na osnovu njegovog zakona o umanjenju naknada za rad u komisijama, odnosno ukidanju naknada za rad u komisijama tokom radnog vremena, poslanik je zadovoljan odgovorom.

Mensura Beganović komentirala je odgovor Vijeća ministara BiH koji se odnosi na *Microsoft* licence, način planiranja, način ugovaranja i način plaćanja nadoknade za najam ovih licenci. Poslanica nije zadovoljna odgovorom pa je rekla da će ponovo postaviti poslaničko pitanje.

Damir Bećirović izrazio je nezadovoljstvo nedobivanjem odgovora od Vijeća ministara BiH na postavljeno pitanje koje se tiče putnih troškova u okviru Vijeća ministara BiH kao i od Sekretarijata Predsjedništva BiH, a koje se tiče visine isplaćenih naknada za prekovremeni rad i isplaćenih stimulacija zaposlenim u Sekretarijatu Predsjedništva BiH, te je rekao da će postaviti pitanje Tužilaštvu BiH.

Mirsad Donlagić komentirao je odgovor Ministarstva komunikacija i prometa BiH u vezi s razvojem infrastrukturnih objekata u Tuzlanskom kantonu i zadovoljan je odgovorom. Također je izrazio nezadovoljstvo zbog nedobivanja odgovora koje je prije više od dva mjeseca postavio Ministarstvu odbrane BiH, a prije više od mjesec dana Ministarstvu vanjskih poslova BiH.

Hanka Vajzović komentirala je odgovor Federalne uprave za inspekcijske poslove u vezi s uvozom komunalnog otpada iz Republike Hrvatske i njegovog odlaganja u zaleđu Neuma i nije zadovoljna dobivenim odgovorom.

Maja Gasal-Vražalica komentirala je odgovor Agencije za lijekove i medicinska sredstva BiH u vezi sa spiskom lijekova za liječenje reproduktivnih organa koji su na esencijalnoj listi u BiH i zadovoljna je odgovorom. Također je zatražila da se uputi urgencija federalnom ministru zdravstva za dobivanje odgovora na postavljeno dopunsko pitanje koje se odnosi na medicinski potpomognutu oplodnju.

Nikola Lovrinović izrazio je nezadovoljstvo nedobivanjem odgovora od Radio-televizije Federacije BiH (i nakon dostavljenih urgencija), kao i nedobivanjem odgovora na pitanje postavljeno Ministarstvu vanjske trgovine i ekonomskih odnosa BiH koje se tiče Strategije zaštite okoliša te je tražio da se Ministarstvu uputi urgencija za dostavljanje odgovora.

Ad.3. Zahtjev poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, u skladu s članom 133. Poslovnika, zakon broj: 01-02-1-105/17, od 11.1.2017.

Predsjedavajući Šefik Džaferović dao je uvodne napomene i otvorio raspravu o proceduri. U raspravi su učestvovali: Diana Zelenika, Damir Arnaut, Nikola Lovrinović i Amir Fazlić.

„Za“ Zahtjev poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, u skladu s članom 133. Poslovnika glasalo je 17 poslanika (iz Federacije BiH), „protiv“ deset, a „suzdržana“ su bila četiri. Predsjedavajući je konstatirao da **nema potrebne entitetske većine** i da će Kolegij Doma kao komisija obaviti naknadno usaglašavanje o Zahtjevu poslanika Mirsada Mešića.

Ad.4. Prijedlog zakona o dopuni Zakona o upravi, predlagač: poslanik Damir Arnaut, zakon broj: 01-02-1-3044-1/16, od 6.1.2017., s Mišljenjem Ustavnopravne komisije

Predsjedavajući je dao uvodne napomene i otvorio raspravu. U raspravi su učestvovali: Damir Arnaut, Momčilo Novaković, Borjana Krišto, Salko Sokolović, Fehim Škaljić, Mirsad Đonlagić, Nikola Lovrinović i Amir Fazlić.

Predsjedavajući je dao na glasanje Mišljenje Ustavnopravne komisije o Prijedlogu zakona o dopuni Zakona o upravi. S 11 glasova „za“ (iz Federacije BiH pet, iz Republike Srpske šest), 21 glasom „protiv“ i jednim glasom „suzdržan“ Mišljenje Ustavnopravne komisije **nije prihvaćeno**, te je Komisija zadužena da, u skladu s članom 113. stav (3) Poslovnika, izradi novo mišljenje o navedenom prijedlogu zakona.

Ad.5. Izvještaj komisije Kolegija Predstavničkog doma o nastojanju za postizanje saglasnosti o Prijedlogu zakona o izmjeni Zakona o lijekovima i medicinskim sredstvima, predlagač: Vijeće ministara BiH (zakon u drugom čitanju), zakon broj: 01,02-02-1-2804/16, od 2.11.2016.

Nakon uvodnih napomena predsjedavajućeg, nije bilo rasprave.

U drugom krugu glasanja, sa 17 glasova „za“, 12 „protiv“ (iz Republike Srpske) i devet glasova „suzdržan“, Dom **nije usvojio** Prijedlog zakona o izmjeni Zakona o lijekovima i medicinskim sredstvima.

Ad.6. Izvještaj komisije Kolegija Predstavničkog doma o nastojanju za postizanje saglasnosti o Prijedlogu zakona o izmjeni Zakona o plaćama i naknadama u institucijama Bosne i Hercegovine, predlagač: poslanik Šemsudin Mehmedović (zakon u prvom čitanju), zakon broj: 01-02-1-2610/16, od 10.10.2016.

Predsjedavajući Šefik Džaferović dao je uvodne napomene, nakon čega nije bilo rasprave.

U drugom krugu glasanja, s 26 glasova „za“, jednim glasom „protiv“ (iz Republike Srpske) i pet „suzdržanih“ glasova, Dom **je usvojio** Prijedlog zakona o izmjeni Zakona o plaćama i naknadama u institucijama Bosne i Hercegovine u prvom čitanju.

Ad.7. Izvještaj komisije Kolegija Predstavničkog doma o nastojanju za postizanje saglasnosti o prijedlogu poslanika iz Kluba DF-a za uvrštavanje nove tačke dnevnog reda 40. sjednice Predstavničkog doma PSBiH koja glasi: Informacija o sigurnosno-finansijskom aspektu organiziranja dočeka Nove 2017. godine na prostoru koji je u nadležnosti Parlamentarne skupštine BiH i drugih institucija BiH, akt broj: 01-50-1-3234/16, od 30.12.2016.

Predsjedavajući Šefik Džaferović dao je uvodne napomene. Nije bilo rasprave.

Prijedlog poslanika iz Kluba DF-a za uvrštavanje nove tačke dnevnog reda 40. sjednice Predstavničkog doma PSBiH koja glasi: Informacija o sigurnosno-finansijskom aspektu organiziranja dočeka Nove 2017. godine na prostoru koji je u nadležnosti Parlamentarne

skupštine BiH i drugih institucija BiH, **nije usvojen** u drugom krugu glasanja. Za je glasalo 12 poslanika, 16 je bilo „protiv“ (iz Federacije BiH deset, iz Republike Srpske šest), a četiri poslanika su bila „suzdržana“. Predsjedavajući je konstatirao da nema opće većine.

Ad.8. Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (predlagač: Vijeće ministara BiH, broj: 01,02-02-1-33/15, od 25.1.2016.)

Nakon uvodnih napomena, nije bilo rasprave.

Dom je, s 28 glasova „za“ (iz Federacije BiH 21, iz Republike Srpske sedam), bez „protiv“ i četiri glasa „suzdržan“, **usvojio** Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini.

Ad.9. Izvještaj o izvršenoj reviziji učinka o temi: „Upravljanje grantovima u institucijama BiH“, materijal Ureda za reviziju institucija BiH, broj: 01/4-16-1-3261/16, od 30.12.2016.

Predsjedavajući je dao uvodne napomene. U raspravi su učestvovali: Jasmin Emrić, Mirsad Isaković, Predrag Kožul, Damir Arnaut, Aleksandra Pandurević, Momčilo Novaković, Nermine Kapetanović, Mirsad Đonlagić, Maja Gasal-Vražalica, Nikola Lovrinović i Amir Fazlić.

Zatim je predsjedavajući dao na glasanje Izvještaj o izvršenoj reviziji učinka o temi: „Upravljanje grantovima u institucijama BiH“. Dom je, s 30 glasova „za“ (iz Federacije BiH 23, iz Republike Srpske sedam), bez glasova „protiv“ i dva „suzdržana“ glasa, **usvojio** Izvještaj sa Zaključkom iz Mišljenja Komisije za finansije i budžet koji glasi:

Predstavnički dom Parlamentarne skupštine BiH traži od Vijeća ministara BiH, Ministarstva finansija i trezora BiH i institucija BiH koje su obuhvaćene izvještajem revizije učinka da u roku od šest mjeseci izvijeste Predstavnički dom Parlamentarne skupštine BiH o planiranim i preduzetim aktivnostima na realizaciji preporuka iz izvještaja, te da o preduzetim aktivnostima upoznaju Ured za reviziju institucija BiH.

Ad.10. Izvještaj o izvršenoj reviziji učinka o temi: „Planiranje budžetskih rashoda u institucijama BiH“, materijal Ureda za reviziju institucija BiH, broj: 01/4-16-1-29/17, od 4.1.2017.

Predsjedavajući je dao uvodne napomene, nakon čega su u raspravi učestvovali: Mensura Beganović, Mirsad Isaković i Mirsad Mešić.

Dom je, s 30 glasova „za“ (iz Federacije BiH 23, iz Republike Srpske sedam), bez glasova „protiv“ i dva „suzdržana“ glasa, **usvojio** Izvještaj o izvršenoj reviziji učinka o temi: „Planiranje budžetskih rashoda u institucijama BiH“.

Ad.11. Informacija o procjeni i mogućnostima Bosne i Hercegovine po pitanju izbjegličke krize u regionu i Evropskoj uniji, materijal Ministarstva sigurnosti BiH, broj: 01,02-41-1257/15, od 2.10.2015., i dopuna Informacije, materijal broj: 01,02-41-1257-2/15, od 13.10.2016.

Nakon uvodnih napomena predsjedavajućeg, nije bilo rasprave u okviru ove tačke dnevnog reda.

Dom je, s 28 glasova „za“ (iz Federacije BiH 21, iz Republike Srpske sedam), bez glasova „protiv“ i četiri „suzdržana“ glasa, **primio k znanju** Informaciju o procjeni i mogućnostima Bosne i Hercegovine po pitanju izbjegličke krize u regionu i Evropskoj uniji i dopunu Informacije, i **usvojio** zaključak iz Mišljenja Zajedničke komisije za odbranu i sigurnost BiH koji glasi:

Zadužuje se Vijeće ministara BiH da Parlamentarnu skupštinu BiH redovno informira o provođenju Plana hitnih mjera i realizaciji aktivnosti navedenih u Informaciji o procjenama i mogućnostima Bosne i Hercegovine po pitanju izbjegličke krize u regiji i Evropskoj uniji.

Ad.12. Odgovor Vijeća ministara BiH na inicijativu Predstavničkog doma Parlamentarne skupštine BiH, usvojenu na 35. sjednici Predstavničkog doma Parlamentarne skupštine BiH, održanoj 30.8.2016., materijal broj: 01-50-1-1906/16, od 22.12.2016.

Predsjedavajući Šefik Džaferović dao je uvodne napomene. Diskutirala je Maja Gasal-Vražalica.

Odgovor Vijeća ministara BiH na inicijativu Predstavničkog doma Parlamentarne skupštine BiH, usvojenu na 35. sjednici Predstavničkog doma Parlamentarne skupštine BiH, održanoj 30.8.2016., Dom je **usvojio** s 19 glasova „za“ (iz Federacije BiH 13, iz Republike Srpske šest), sedam „protiv“ i šest glasova „suzdržan“.

Ad.13. Zahtjev Privremene zajedničke komisije oba doma Parlamentarne skupštine Bosne i Hercegovine za produženje roka za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-50-14-1197-4/16, od 29.12.2016.

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 24 glasa „za“ (iz Federacije BiH 17, iz Republike Srpske sedam), četiri „protiv“ i četiri glasa „suzdržan“, odobrio produženje roka Privremenoj zajedničkoj komisiji oba doma Parlamentarne skupštine Bosne i Hercegovine za pripremu i upućivanje u parlamentarnu proceduru Prijedloga zakona o parlamentarnom nadzoru **do kraja juna 2017. godine.**

Ad.14. Razmatranje ostavke Vildana Đurovića na mjesto člana Ureda za razmatranje žalbi BiH, akt broj: 01,02-34-1-3232/16, od 28.12.2016., i Prijedlog odluke o razrješenju dužnosti člana Ureda za razmatranje žalbi BiH, akt broj: 01,02-34-1-3232/16, od 6.1.2017.

Nakon uvodnih napomena predsjedavajućeg, nije bilo rasprave u okviru ove tačke dnevnog reda.

Dom je, s 26 glasova „za“ (iz Federacije BiH 19, iz Republike Srpske sedam), bez glasova „protiv“ i šest glasova „suzdržan“, **usvojio** Odluku o razrješenju Vildana Đurovića dužnosti člana Ureda za razmatranje žalbi Bosne i Hercegovine.

Ad.15. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje člana Ureda za razmatranje žalbi, akt broj: 01,02-50-14-76/17, od 9.1.2017.

Predsjedavajući je dao uvodne napomene. Nije bilo rasprave.

S 20 glasova „za“ (iz Federacije BiH 14, iz Republike Srpske šest), osam glasova „protiv“ i četiri „suzdržana“ glasa, Dom je **usvojio** Zaključak o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje člana Ureda za razmatranje žalbi, te u Zajedničku komisiju **imenovao** poslanike: Nenada Lalića, Mirsada Isakovića i Moniku Tomić.

Ad.16. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za izradu prijedloga izmjena i dopuna poslovnika Predstavničkog doma i Doma naroda Parlamentarne skupštine Bosne i Hercegovine, predlažać: Zajednički kolegij oba doma PSBiH, akt broj: 01,02-50-14-84/17, od 9.1.2017.

Predsjedavajući Šefik Džaferović dao je uvodne napomene te je otvorio raspravu u kojoj su učestvovali Zaim Backović, Jasmin Emrić i Fehim Škaljić.

Zaim Backović i Jasmin Emrić predložili su da Zaim Backović bude član Privremene zajedničke komisije. „Za“ ovaj prijedlog glasao je 21 poslanik (iz Federacije BiH 20, iz Republike Srpske jedan), „protiv“ je bilo deset poslanika, a jedan poslanik je bio „suzdržan“. Prijedlog **nije dobio potrebnu entitetsku većinu**. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 21 glasom „za“, deset glasova „protiv“ (iz Federacije BiH četiri, iz Republike Srpske šest) i jednim glasom „suzdržan“, Dom **je usvojio** prijedlog da Zaim Backović bude član Privremene zajedničke komisije.

Nakon toga, Dom je jednoglasno **usvojio** Zaključak o osnivanju Privremene zajedničke komisije oba doma Parlamentarne skupštine Bosne i Hercegovine za izradu prijedloga izmjena i dopuna poslovnika Predstavničkog doma i Doma naroda Parlamentarne skupštine Bosne i Hercegovine, te u

Zajedničku komisiju **imenovao** poslanike: Damira Arnauta, Sašu Magazinovića, Lazara Prodanovića, Maju Gasal-Vražalicu, Hazima Rančića, Nikolu Lovrinovića, Momčila Novakovića i Zaima Backovića.

Sjednica je završena u 14,37 sati.

Sastavni dio Zapisnika je transkript 41. sjednice Predstavničkog doma.

SEKRETAR
PREDSTAVNIČKOG DOMA
Marin Vukoja

PREDSJEDAVAJUĆI
PREDSTAVNIČKOG DOMA
Šefik Džaferović